

梅亭先生四六標準

五

四
六
標
準



梅亭先生四六標準卷之十一

雜謝

代林運幹良顯謝丞相書考求文字

干大播於一陶俾登畿幕積小成於三考獲進選
階頂踵歸塊北之功肝膽極輪困之感敢因推謝
更叙依歸伏念某材無瘡人學未聞道半世寒牕
之燈火中年太學之齋堦篆刻雕蟲覺兔毛之欲
秃銜枚戰蟻偶雞口之先鳴遂采魯芹出燃楚竹
未滿成瓜之代忽纏家棘之悲隙駒之制易終林
鳥之哺益切上書光範初無蟠木之先容得闕長
安乃辱采葑於下體竭來半載何有寸勞憂屋督
工粗逃曠敗春闈考士獲廁使令及大庭聞魁三
之傳則本房有筮貳之數然雖有依紅之樂尚未
露破白之章七十偏親一則以喜一則以懼斗升
微祿時乎為養時乎為貧茫然寸步之謀甚矣分
陰之惜鼠肝蟲臂固難躁進以妄圖馬渤牛溲或
恐兼收而並蓄恭惟某官鼎彝家學袞冕世臣撫
五辰於泰階之平載萬物以坤元之厚復文武之
境已昭元老之壯猶歸鄆謹之田足見真儒之已
效然益旁招於俊又欲令聚在於闕庭故凡絲粟



之材未始崩管之棄尚念其亢身無策仰首自鳴
桃李成蹊自合安不言之分樓臺近水詎能忘先
得之情

代察判徐愿謝史丞相

得五帑文字

補京兆之掾曾微贊畫之長交公車之章茲拜成
終之賜自匪載驅於四牡何由一發而五紀毫髮
不假之他門頂踵皆歸於化治有言雖淺進謝敢
稽伏念某才乏線長力尤綿薄十年太學身嘗百
甕之壘一第集英袍已半霜之葉昨終素鞵重累
洪鈞泛綠依紅猥使近長安之日草玄尚白誰肯

戕閭闔之風始焉一鷄之飛繼以乘鴈之集舟而
衰三而竭孰與點睛二之下四之中正湏合穎况
當百里九十之半更覺分寸千丈之強忽蒙雷電
下取之勞遂有埃風上征之路何物不由於洪造
此身獨拜於全功茲蓋伏遇某官八柱世臣三槐
家學方當鯉趨過庭之際已傳虎拜稽首之心更
化十六年無匹夫不被其澤關國數千里復寧王
有拍之疆益閔翁受之規不廣旁招之意里仁爲
美似怜桑梓之偶同舉能其官特取蘋蘩之可薦
感一力挈提之厚增寸心銘鏤之私某敢不勉自

激昂圖惟報稱雞犬舐鼎難更干點化之功鼯鼠
飲河當自詭承流之效感藏不盡敷述奚殫

代吳省倉此謝丞相縮次

貧累清時許守漢倉之粟老須遠次忽臨齊戍之
瓜此恩夙出於大鈞於義宜伸於小牘伏念某身
勤事左意廣才踈家世占寶唐之濱學問皆環溪
之訓少而有志頗欲就博習修潔之科壯則無竒
亦屢玷德行道藝之貢歲不我與命與仇謀烏帽
黃塵凡五排於禮部青衫白首又兩進於計臺終
然蹉跎成此遲暮漫作兵厨之隱聊為簿電之依

卷一

青天鳥道之拊膺雖嘗奏辟白水魚竿之入幕何
敢疾驅如此頭顱淒然脚色奚敢作堂除之夢猶
難干京局之除時方張更化之弦公實權造化之
柄冒為治躍便辱甄收使守九年之儲令待四政
之闕攄梨橘柚大非老人所種之宜穉攄侏儒偶
在宰相兼收之列聊裝鋪席歸老林泉不謂俟河
之清乃成縮地之脉洛中親舊書傳犬耳之黃吳
下官曹事報烏頭之白僮奴欣怪里巷驚疑高下
在心只合避賢者之路進退維谷反恐負相國之
知尚堪一行不遠千里然非恃無垠之塊北亦寧

免將進而赳赳恭惟某官清任以和直方而大手
麾九日太陽行黃道之中坐鎮八年微物出洪鈞
之播雖風霆不言流形之利然天地能照許國之
心外撫四夷內熙百度收毛髮絲粟之細入竹頭
木屑之藏晉卿之舉七十家不遺筦庫祐甫之除
八百吏皆是舊知冒焉而來恃此無恐某敢不靖
共爾位洗濯其心却日揮戈收效在桑榆之景消
辰擁篲奉身歸桃李之門

代饒運幹

誼謝史丞相

政任

幹茗事於畚禺妄求易地贊漕輸於湘浦竟辱回

標二

天俾依青草之湖庶免黃茅之瘴此恩渥甚何感
猶之伏念某樸學無竒散材不腆踰槐半世幾○
兔目之黃采藻十年似守烏頭之白偶叨終秩未
及問鈞五嶺聞其皆炎初無去志諸公怜其獨冷
誤有辟書元戎欲處之油幢之中真宰遂寘之茗
寮之末等勤大播徑合疾驅惟是孤螢之蹤寸勇
尺懦實聞疫癘之地十室九空率爾陳情期於避
禍媒身無策難空冀北之士夫換骨有方乃綴湖
南之賓客獲避飛鳶之跼姑從檣燕之留茲蓋伏
遇某官秉國之鈞熙帝之載更政化當更之琴瑟

續聖賢難續之鼎彝益贊禹而格苗誕布舞干之
化尹相湯而伐夏迄垂典寶之書然猶耻溝中之
推必欲濟天下之溺印趣銷而趣刻足昭從善之
仁衣改造而改爲益表好賢之意某敢不敬其可
願欽乃收司綠水紅蓮已感移栽之惠青芝赤箭
尚希並蓄之恩

代李總幹

伯長

改任謝史丞相

回馬首於鹽亭不良擇地護鼠牙於粟庾有溼自
天當赳赳將進之間拜垓北無垠之賜謝焉孤賤
辱此一陶竊惟京口之積倉實功邊頭之仰哺總

卷二十一

司創闕裹粮兼坐甲之司堂選掄材弄印致閱特
之久蓋戰德戰謀之際惟去兵去食之難爲米折
腰雖不離於祿仕歛糠眯目易有誤於軍須必爲
官而擇人庶因能而任職伏念某一寒無挾百拙
有餘伯父取之庭階補以京秩弟兄習乎弓冶志
在世科偶尺寸之蹉跎漫斗升之噉嚼中嬰家難
復詣吏銓煮海爲鹽妄欲供富媪之役無麩作餅
或謂非巧婦之能况當避嫌不免易闕自笑鮎魚
之上竹何翅羝羊之觸藩一指之不若人猥勤伯
氏之請匹夫之失其所亦關造物之憐迄蒙倉庫

氏之除全出光範門之造恭惟其官鼎彝家學社稷世臣平賢之繼巫咸不但底王家之又伊陟之紹伊尹真足格上帝之心雖九德敷施均不遐遺而一門小大尤蒙器使烏鵲遶樹真同撼木之蚍蜉牛羊求芻乃肯發機於鼯鼠某敢不修其可願欽乃攸司錢穀甲兵問於廟堂當識士大夫之職撰闡居揆成其室屋無忘明宰相之功

謝丞相書考

補上依於黔嶺偶書下考貢空函於黃閣莫報實恩偶暫攝於竹符尤倍希於樾蔭忘其喋喋布此

西六一

惓惓伏念某殖學踈蕪涉遠短淺青泥盤足每思範我之馳驅白雪蒲頭寧復初心之邂逅進乏太雞之效退從鹿豕之遊辱坏冶之一陶俾翱翔於半刺犴犴爲激雖非監螭螭之州盤瓠見容偶免築鯨鯢之觀竹齋藥竈不礙雲山芟製荷衣無邊風月適挈瓶之缺守又越俎而代庖胡瞻爾庭人固疑其鶉突此非子坐自亦愧於象環所祈新尹之疾驅庶遂陳人之退屏明年今日固可歸三逕之荒凌雨震風尚合假萬閭之芘恭惟其官得聖之任爲帝者師衡統紘紘增鼎鉉九九之重箕裘

弓冶協泰階兩兩之符行由絕席之尊徑陟維垣
之峻人主聃論一相具瞻槐面之專太傅府有三
才詎棄竹頭之細所祈全度非異超遷某敢不補
拙以勤謹終如始深懲往轍躋分寸而落千丈之
強雖踵常塗視九十爲行百里之半其爲歸倚罔
既敷宣

謝魏侍郎了翁爲先祖先父作墓誌

先美無傳凜負子孫之責幽鑄有託蔚爲祖考之
光屬拘柱後之文莫布堂下之武敬裁具啓恪布
謝綜竊惟隧刻罕見於先秦之前墓碑似昉於後

標十一

漢之末正而斃斯亦已矣身將隱焉用文之如郭
林宗尚可免伯喈之愧若陶元亮又何待延年之
辭降逮李唐最崇韓柳韓銘正曜定非諛墓以攬
金柳表文通亦豈遺人之矻石蓋資覓良工之獨苦
有怜沒世而不稱發其幽光時乃天道重惟先祖
父之孝不事今科第之謀一門千餘指之庸雍是
亦爲政九流百三家之貫穿止以潤身不徒稱鄉
里之善人實有得名教之樂地維廉蔭固不羨曹
蜍之無恙然夷齊要是得夫子而益彰恭惟某官
有德立言以文貫道粹若出六經之正凜然寒五

緯之芒搴芙蓉而賦詩洞識陰陽之消長傍梅花
而讀易詎忘天地之彌綸頗哀墜緒之茫茫恐與
常流而泯泯既取贊皇之實錄以誌楚金復叙栞
城之世家就銘明允仍加篆書八分之賜俾免不
稱三服之羞一門存亡百世感激其敢不昭告屏
攝表刻墓埏儻得保首領從九京之遊庶無泚面
目達中心之愧微薄不以廢其禮何足爲碑板之
酬夙夜無忝爾所生用此爲師門之報其爲感鏤
罔旣鋪采

謝衛參政

逕差校正書籍

小材出位願歸朱墨之勾稽大府量能備卅鈞
之點勘少振塵埃之冗倍勤坯冶之陶竊以三館
文書固遴讎正編摩之選諸侯賓客率多獄訟財
賦之司寧有伺候公卿之門更容休息篇籍之囿
憐韓愈之非賤俾就閑官期呂蒙之讀書非爲博
士洙濡鮒轍豕抱鶴翎使養是氣而塞天地之間
將和其聲以鳴國家之盛知花於見根之始乞漿
有得酒之恩求之古人豈在今日伏念其少諧平
側長識偏傍不深石室之紬僅曉金根之讀遺經
獨抱未辨豕渡河之三良史博觀粗知馬与尾而

五有時比窻高卧之夢頗思東觀未見之書三神
渺在於海中五鬼難驅於坐上插架三萬軸但當
守鄴侯之書家集二百篇幸皆是撫州之寫然作
吏此事便廢亦有命焉惟投閑乃分之宜傷哉貧
也久留戲下宜在遣中遽冒小朝廷之除使策行
祕書之職茲蓋伏遇某官榮分湘閩並用楚材義
負偃植各安所施耻匹夫之弗獲摠闈居楔惟器
是適無一藝之不庸試黃閣之規模收碧油之人
物至如狂簡之小子亦勞塊坵之大鈞某敢不祗
此簡書呻其佔畢珥貂分陝已收下體之菲葑給
札登瀛願備一株之桃李

代表子固謝縣宰

寬假

箠楚之下何求知難全璧縲紲之中非罪乞就罰
金敢不持咫尺之書少謝寬一分之賜惟越人之
相攻擊蓋其俗然而長安之羣殺傷各有主者况
已過都而歷塊誠難被髮以纓冠儒者好高未免
爲役而耻役隸也不力又可與言而不言但催科
未動是閑人豈期會不報爲大政所謂行人失者
乃使吾身親之方入聞言偃之弦忽使受曾參之
杖主人讀未知主人罪也自怪其頑天下寶當爲

天下惜之誰與此念惟體膚受之父母而衣冠耻
在國家馬遷腐刑何面上先人之墓孫臍刖足快
心蹶上將之軍故滕公釋韓信之囚而小白解夷
吾之縛知其不可復續所以寧失不經向使當時
淫及善人安得異日報以國士如某者詩書門戶
燈火生涯

非其職矣千乘之

邑百乘之賦切願學焉惟是受滕一纏敢辭于役
然且去齊三宿難疾其驅偶隣境之胥戕坐家人
之失告鶴非有祿徒以鶴警之失期鴈或不鳴要
亦鴈奴之有罪不虞投足卒禍及身業已逮於桁
揚勢難逃於搜楚自度受李日知之杖有當變余
安道之名然使撻之市朝得無傷於冠帶無小人
無君子宜玉石之俱焚有里胥有大

伏遇某官堯族俊德周家懿親粹然麟角之
祥屈此牛刀之試謂重士所以重國要當體朝廷
長育之心知察獄先於察情又豈容胥吏上下其
手况開設學校方將馴化於鴟梟則愛惜人才何
忍鞭笞於鸞鳳致此爨餘之棄亦從金作之刑某
敢不策髀肉之功名勉皮膚之學問痛懲臨難之
苟免益思學道以愛人儻許國之可期當措刑於

不式自此不復贖矣安用以撻記之鞭笞越而立
威名既知免於東海出鄒陽而爲上客尚有望於
梁園

謝曹直學賀雨

伏以和巴歌之二闕遏雲足繼於謳青贈唐律之
七言喜雨宛同於醉白莫辨雙金之報徒深十襲
之藏

謝曹直學喜雨詩

伏以瘖我以早良窘望雲有志乎民辱書喜雨徒
切誦清風之穆未遑和白雪之高

標二

回平江府沈侍郎送酒

杓斡龍躔日又賓於暘谷香凝燕寢地執勝於蘇
州矧惟荷橐之賢宜介椒盤之祉恭惟某官德參
陰騭道配陽休奉行寬大之書爾絲免矣宣布中
和之樂襦袴煖然諒報政於吳門即歸班於魏闕
某一寒寡與獨冷何辭猶幸太歲之在申例容乞
酒遙祝壽星之出丙莫遂稱觴

回岳總領送酒賀正

天躔回甲聿新曆數之盼歲紀在申將應酒泉之
讖時維膚使日進嗔祺恭惟某官德配陽休功多

陰隲漕下冰解師有宿飽之期掌上月升日佇辰
猷之告聊暫紆於羔袖即徑上於雞翹某家本一
寒官宜獨冷窮年兀兀只自慙廩粟之糜清夜沉
沉賴肯續燈花之酌

回新都廖宰

子村

送酒及石榴

伏蒙郇翰寵賁陶籬餉以乘壺定有可人之味侑
之碩果中存多子之祥續歡伯之風流洗醋兒之
酸楚已從竹葉獲觀令尹之清尚想榴皮可頌中
書之考

代回安撫趙尚書送物

標十一

共六尺之輿同寅良幸分丈二之組先甲乙頌悵
遂告違顧勤亟餽惠而好我慚取數之孔多欲之
不恭敢下拜而登受區區衷謝續續

陳

又同前

一麾出守漸可解維同官爲寮蒙加折俎維多維
旨且感且慚敢貢記室之辭少致兵厨之謝

代回趙京尹餞送

已辭軒陛漸理舩艤更勤加餽之稠重采芻大寮
之篤叙既醉既飽腹不勝其屬駭載忻載奔面無
由而控謝

代回臨安府七夕送物

抱拙終身倦乞犬牙之巧未能免俗頗安犢鼻之
貧臺餽鼎來井釐意厚醪醇壹况加雞拓之甘饗
餌馨香仍儼螺甲之旨備此四美跂彼七襄莫宜
街戢之私但劇嚅嚅之感

回寒學諭賀得粟九穗

一莖九穗昔嘗疑司馬之諛異壟同祭今顧辱昌
黎之頌雖君子之政不以物恠然太師於詩可見
民風要非于祥而于仁恨弗以規而以頌民曰太
守太守不有何敢當儒館之歌秀并司馬司馬辨

材請以旅天子之命

回李僉判賀瑞粟

某道九穗於漢庖此真偶爾歌五言之唐律何德
當之不敢續貂恐譏集鶡唐叔之得同穎安敢望
周公之歸劍南之進嘉禾亦難上柳子之表姑藏
佳句以俟豐年

回王監酒提督修城

伏以三里之城不修則壞一日必葺欲罷不能擬
煩督戊己之屯相與營甲戌之築龍見而畢不妨
節用以使民隼射于墉亦可待時而藏器

代回運使賀雪

黃雲紀瑞肇新魯觀之書白雪效祥遙應梁園之
賦能令公喜不在我先恭惟某官德配陽和氣排
冬凜有功使臣歌四牡兼此二難省事天公厭兩
回併成一賀方圖面慶又辱手牋不成報章尚幾
幸察

回陳術士

某適勤枉顧寵異儼箋不但知五行之精抑又窺
多文之富其為感佩罔既報酬

梅亭先生四六標準卷之十一

幸察
回辭如一覽六圖西邊又尋手效不效辭章尚幾
久與首內對引想四卦表此二難省事天公厭兩
類猶今公喜不在我先恭惟某官德配陽和氣排
黃雲紀瑞肇新魯觀之書白雪效祥遙應梁園之
賦能令公喜不在我先恭惟某官德配陽和氣排

梅亭先生四六標準卷之十二

謝惠詩文

謝張祕校晉臣投詩

並代月湖

蒙以契家之舊贈之佳句之新昔人三百篇世寡和矣古詩十九首君突過之但深中筭之藏莫效檐榆之報

謝汪祕校莘惠詩

方味大篇又矍長句冠切雲佩明月正自不凡濟白水登閭風居然相導恭惟某官抱負竒志屈摺壯圖文采離離猶可和其聲而鳴國家之盛詩律坎坎何至虛其腹而藏天地之愁子亦來見我歟僕未有可師者參橫月落不堪喚夢於羅浮目擊道存何必相期於汗漫區區衷曲續續面陳

謝監鎮陸子適惠詩

今早特勤古風見畀句有家法信他日之聞詩老無喜機羨故人之有子恭惟某官爽貫眉目清入肝脾昌黎門庭未免金根之誤杜陵衣鉢僅存玉案之吟郎君於此勉之放翁爲不亡矣某幸蒙委重愧乏報嘉欲俎豆予我父周旋寧作我願金玉汝君家所有更贈君

謝林秘校季熊投詩

伏勤枉顧寵惠名篇曾前惠之未酬已厚章之游
至雪巢有子不孤珠玉之編月湖無詩可作瓊瑤
之報聊以數語寫此寸誠

謝盛登仕夢弼長書

寵示長牋就貽大冊非至篤好何能多如是耶所
謂立言亦甚似而幾矣愧乏擔榆之報徒華巾笥
之藏

謝許新恩裕惠詩

茲勤佳句良感高情或疑年使之年此事可報以

吾老及人老何力可施徒參患脚之禪莫救旋瀉
之佛

謝蘇秘教丙

杜門具奏方此乞骸叩戶論詩失於倒屣恭惟某
官長材素蘊餘事清吟觀秋月之兩章羨春雲之
多態天未喪斯文也復聞永嘉之音子亦來見我
乎應認江西之派某亦聿旣毫兆足以行贈我綺
琴之雙南之報答乞君霞珮請萬里以頡頏

謝程監丞準

荐勤真蹟加貺名篇對秋月之兩章仰春雲之多

態爲施厚矣無謝可乎恭惟某官一世典刑三朝
壽雋雖老子婆婆自安於橘穎然此翁矍鑠猶可
以蒲輪誰知幽桂之遺榛管坐今積雪之困桃李
咀冰嚼玉戲刻畫於無鹽洗醜傾樽巧噤吟於唐
舉惠而好我何以報公某久倚長松竟成小草借
君詩而消永夜自不成眠期吾王之召將軍更宜
善飯

謝朱新恩遜投書

比辱訪存特勤書况雖過情之可耻然荷意則甚
勤恭惟某官學踵乃翁氣吞餘子襟懷磊落不專
紙上之蟲魚談笑從容遂感草中之孤充當季康
子患盜之日正班定遠封侯之時乃援古人以方
我輩一之爲甚四者難并人豈不自知耶今願竊
有復也殺賊奴取金印何待明年縛單于寘藁街
更期他日

謝吉州楊司理彭年惠詩

比勤三顧寵惠六詩巧刻畫於無鹽力扶持於夜
燎不知所報當贈以言恭惟某官自策英躔宜收
名第青衫白首氣碑兀而未降丹筆墨曹翅翩翩
而方展不謂睡龍之寶猥加羅雀之門街盃酒接

慤勤且承至止遣一介奉咫尺更幸亮之

謝周祕校噩之惠梅詩

叢桂移文問周倫之好在官梅動興笑何遜之重
來非吾之故人耶所見者今我也恭惟某官城市
大隱山澤真癯拍洪崖挹浮丘疑遊八極召鄒生
延枚叟又客諸侯茲辱顧存未遑迎肅終然不可
口過勤黃山谷之詩殊不類其人殆以宋廣平之
賦某甚安斗食焉用鼎羹月落參橫荷喚起羅浮
之夢水邊雪後願更續和靖之篇

謝會稽趙宰善善

六標十二

委刺見臨袖書爲贄惟是事契之有素豈假文字
而後明恭惟某官仕有長材政多善狀製劍池釀
丹井久樂林居採禹穴上會稽猶須瓜戍雖淵明
不辭五斗之屈然士元豈是百里之材兆足以行
改之爲貴某緬懷先契幸及英游主司疑則辨之
此情可亮相國知之至矣何說之云

謝石祕校巖

比勤下顧寵示高文贈盈把之瓊瑤拜嘉已腴列
成編之鐘磬取數何多恭惟某官水北名聲山西
家世耻懷綳之簪坊服韋布之縑緗愴父機雲欲

上規於姚姒衙官屈宋肯平到於陰何藉少低建
隆之功勳足可備慶曆之諫諍公等安在吾道非
耶遺我明珠皆映骨而睡驪目乞君飛佩會刺手
而拔鯨牙某得非所蒙願竊有復文章小技計已
空廡士之羣節誼大閑願不替純臣之教

回劉進士

日起

惠書及封事藁

代月湖作

惠以長書將之秦藁一介而言天下亦有之十
漸之當帝心人誰辦此恭惟某人山澤志士畎畝
忠臣范希文之居憂不忘國計張齊賢之獻策會
即面陳某久已語離忽勤言贈吾愧之不敢恨也

徒抱朝飢公安在何見晚耶佇觀暮召

代回謝秘校

耘投詩

代嶺參

寵投短刺就貺長篇梨非飮坐之珍豈能抵玉桃
匪蟠枝之實敢辱報瓊至於濁醪亦如惡札不敢
詠酌君之語乃先辱起予之詩占此奉酬察之良幸

回吳教授投啓和詩

伏勤巧思見和拙詩細窺秋月之兩章備見春雲
之多態迫斯可以見矣敢疑識面之遲忠焉能勿
誨平安用過情之譽

代回朱上舍

中有

餉以新詩儻之舊藁蕭然四立之壁得此兼乘之
珠藏去爲榮不知所報恭惟其人曾蟠古學手抉
天章茲遙賦於高唐已洗空於下蔡詳味三四篇
之健語載觀十九首之遺音失餘子於牛毛發寒
光於驪日惠而好我雋甚逼人其愛莫助之顏之
厚矣開張篋笥諒無須津筏之求劃豁垠崖所願
見琳琅之取

回前蘄春陳尉格惠詩

昨日伏勤古風見惠論交既久陳誼甚恭惟某
官服襲典刑緒餘翰墨大丘遺愛多池上之鳳毛

標二

季方難爲蓋眼中之犀角猶冷綠水紅蓮之舊客
曾陪碧梧翠竹之英游春容大篇刻畫老醜如猛
起約世故之句顧不偉歟抑擇術無小用之言猶
相憶否王何必假更爲絲棒之淹儒果用真會復
青氈之舊某過勤投壁莫辦報瓊登樓而憶侍郎
既無及矣指廳而坐縣尉何幸見之

回張上舍端道

博我以文竊承嘉惠愛人以德何至溢言請以屬
辭報其盛意恭惟某官勇高六館學綜九流觀其
崇論宏議之間眇然深思長慮之計以道相盥茲

意甚深覺民之先此言何爲至我任士之重所有
更以贈君某有幸納交願安承教凡是俎豆予之
意固已拜嘉亦有金玉汝之情尚幾見亮

回羅省元

垂琳琅於金薤得所未曾報瓊瑤以木瓜闕然無
有敢修儷語略謝盛心恭惟某官蘭菊之家梗柎
其質一經接踵不難俯拾於紫青萬卷蟠曾安得
長嘲於玄白時來爲耳人謂斯何有來秋月之兩
章足見春雲之多態然下有千歲苓之意雖東坡
尚不敢當至向來一瓣香之恭惟南豐乃爲無愧

標一二

某自知不武難與斯文借聽於龍耳求道於育正恐
無益於賢者如膏而光養根而實其敢有愛於言乎

回熊省元投贈

蒙二

漫刺下臨極慰仰高之想屬辭光賁能無投暗之
疑恭惟某官學富家傳美宜世濟桑弧有志豈徒
糊口於四方筭路何憂蓋將友士於千乘茲沐檐
榆之贈但深巾衍之藏某德愧多涼官甘獨冷厚
意慰寔然之喜何敢或忘虛名誤賢者之來不知
所報

回徐殿幹

暄

投四六

登畿入幙榮不揜漸趨隅握衣幸堪親教甫諧望
履逆辱鳴謙藹然仁義之言既聞之矣豈以筋力
之禮望長者哉重勤四六之貽莫效萬分之報輒
裁狂簡少謝高明

代回張祕校子賢惠詩

比勤謁入尋辱詩來良深感荷之情敢虛往復之
義恭惟某官湖海豪氣風雲壯懷諫此逆鱗昔嘗
長太息者六工歌鳴鹿今將拜宵雅之三得句驚
人以文博我知言大好能無夜光暗投之疑民可
小康當在朝奏暮召之後

回吳判院玘惠詩

榮被新除寵貽佳句脫身枳棘來監公子之倉回
首芙蓉寧戀假王之印我厭朝班之緞公方故步
之尋判院不比尋常惟當拭目山莊元無呵殿更
望垂情

回屈學正投書詩

丞哉負余余負丞哉殊乏吟哦之伴長者絕子子
絕長者抑何交際之遲振履鼎來鳴謙泰過恭惟
某官莫敖華胄正則故家宗派西江識快閣千山
之大僑居東鄙開遠軒三尺之明茲終素鞞之祥

行奉丹墀之對龍飛九五庚桑盍早於贏糧鵬擊
三千子木何勞於衷甲茲蒙布武見賁雄文加之
仁義之七篇華此蓬蒿之三徑不知所報藏去爲
榮其爲州治中在
固恨何相見之晚也猶
欲就有道而正焉友其士之仁子若無言幾失子
文以氣爲主君家所有更贈君

回呂將仕

某伏蒙紆顧寵賁長牋未先觀於景星幸茲小尉
辱暗投之明月復此大慚但深篋笥之藏莫效瓊
英之報

八標十二

回衆官袖啓

伏蒙銜袖見賁儷牋合璧連珠於榮光芒之正編
鍾列磬了非世俗之音良欽墨妙以聿精但覺禮
踰而情過兩喜而多溢美曷克堪任七襄不成報
章但深愧負

回官員學職袖啓

游承厚意疊貺儷牋墨妙筆精仰窺瞻麗禮踰情
過游極感慚嘗修造謝之恭僅奉留名之命惟息
肩之方始覺脫腕之頗勞七襄不成報章良孤隆
施兩喜之多溢美仰懼瀆辭

回學職士人

茲蒙盛刺見責屬辭竊闕四六之工良重再三之
嘆亟嘗造謝僅辱留名退深巾衍之藏莫效楮榆
之報

回景省元

夙勤臨顧見責儼然偶缺肅迎退深誦味辱引前
賢之跡俾爲後學之師佩意甚勤拊躬曷稱尚規
晤語敬布謝忱

回宗子與銓

伏勤屢顧見界屬辭極欽著語之工但重過情之

六十一

愧恭惟某人天潢濯秀風調軼羣上方重歆向之
材錫之蕃庶君宜勉賀白之學副此簡求佇觀千
里之駒亟振九苞之鳳某濫膺郡寄幸託里仁承
焚林竭澤之餘若爲共理有拔薤置水之警切幸
告忠

回王省元

屣履迎門喜接雙鳧之馬文書銜袖辱擗孤鶩之
詞既見異人頓忘九折恭惟某人譚高玉塵材擅
瓊杯逃狗曲之譏暫且謝諸生而還舍依鹿鳴之
樂行當頌聖主之得賢結襪以須彈冠伊邇某十

年出幕兩談生巾甚苦月攘一雞之征無復人生
五馬之貴之李膺之模楷誤辱肯臨範王良之馳
驅當圖請益

回李叔璋

伏蒙銜袖寵賁駢珠知爲河北之相家且接江西
之宗派欣逢若士何啻似人惟是過情之褒殆非
望賜之意它人不同姓願聞拔薤之規終日雖
則七襄莫稱投桃之報

回合同王將仕

茲蒙寵顧見畀雄文竊窺四六之工良重再三之

集二

感恭惟某官人門具美地位夙高淹回莞榘之卑
培益事功之會某過勤獎予彌切兢慙徒勞篋笥
之藏莫效襜褕之報

回王進士

伏蒙紆頤寵賁長書味藹如仁義之言知賢者深
遠之慮宿蠹正難於驟革頽瀾未易以亟回苟有
祝規更希忠告區區衷曲續續面敷

回黃將仕

伏蒙下頤損賁長篇知宗派之由來信家風之不
墜見似人而喜真足慰蓬藿之逃和此君之題會

更洗箏琶之俗

回王進士

茲佩高情見貽佳句歌刺史之頌愧非西京二千石之良繫諸侯之風乃合召南十四篇之數報於何有藏以爲榮

回揚貢士

伏以樂正論士而升之未皇請益公等何見之晚也忽辱鳴謙非所宜蒙願竊有復恭惟某官詞章炳蔚器度端溫得意狗監之官肯輕進取子雲羽獵之賦行有吹噓試觀屬辭比事之

標二

決科之學某濫分守印獲託士鄉非浮橋之魚迫斯可以見矣哀涸轍之鮒忠焉能勿誨乎

回蘇祕校

材

吳蜀萬里夙知益者之多聞蘇李五言良愧倡焉而寡和近古之三信在得名之雙謂何地下日月光應察驥箱之服江空歲年晚誰爲馬口之銜

回史機宜

大異

一門三秀未見長公之波濤七言五章始窺幼婦之機杼喜故人之有子爲老成以賦詩但深巾衍之藏莫效瓊瑤之報

回程秘校以南

辨蘆服之獄夙知績陰騰之功謂豳本之規未及
望陽休之色有勤枉駕更責屬辭伏惟某人德裕
乃身世濟其美待時藏器冠蜀都沈冥之珍它日
趨庭寔漢朝方正之學若爲公等之見晚真覺我
輩之厚顏某未皇款門先辱傾蓋自衛尉將軍之
宿契是可通家藉翰林墨客以報音刊圖問政

回見任官袖賀

承流支郡曾微牧御之方出節本朝謨被將輸之
命已伸免牘亟奉俞音敢圖銜袖之書特任編種

卷之二

之奏恭惟某官風猷俊茂天韻碩膚齒牙秋露之
甘手筆春雲之藹嘔物以氣可回燕谷之溫贈人
以言何翅楚珩之重遂令載馳載驅之任猥及不
狩不獵之夫某畏此簡書蕭然疲役某水某丘某
樹願歸遂於釣遊我任我輦我車希別謀於咨度

回史秘校公誨獻策

迷日五色智良愧於失人置水一盂惠足占於好
我屬辭爲教陳誼益高恭惟某人直哉史魚飄然
司馬遐想六王畢之作必無萬物出之疑大樂正
詔王升諸宜登春講諸弟子隨臣久矣竟坐冬烘

敢謂愛忘不加督過有來論事益見憂時言言非
無益之談數數昏可行之策顧恨挈瓶之守不敢
越畔而思前茅中權今皆鄉人之善者積薪上寢
自可纓冠而救之幸疾其驅且忠以告其一麾乃
出再鼓而衰磨牙殺人未覺早還家之非計泣涕
陳策何待夜前席而後言

回楊普州

伯兩

袖詩啓

千古在前萬古後僕安知栗陸之書六字常語一
字難公真得栢梁之體所慙佳句適重愧情恭推
某官氣抗岷峨文濯江漢子雲河東之賦天自吹
噓伯起關西之聲家傳清白所居民富而畏人知
行登鸛鷺之班安用蚍蜉之援金鑿論事之語何
至我哉鈞天無人之悲今召君矣

回趙進士

大正

伏辱郇公之翰知為韓國之家社稷世臣自合襲
山河之爵箕裘夙學亦應蓬俊造之班茲窺筆下
之雲煙可見曾中之湖海願安承教不成報章

梅亭先生四六標準卷之十三

科舉

補中附

謝及第在後

謝得解 丁卯

仰破屋而抱遺經噴會心之無幾裹龕繒而隨舉
子嘻免俗之未能解后吾味之偶同摸索此君之
小異欲棄雞肋復美羊腔人驚喝盧得雉之危我
抱志目中眉之愧嘗謂選舉所以籠豪傑安知亦
足銷豪傑之心場屋謂之與賢能或者疑爲老賢
能之術士任重而道遠辰去速而來遲邈高蚤願
效尺寸之心笑人寂寂褚彥回少過之疑作年使

已囂囂蓋欲乘感會之風雲豈堪送瀟灑之日月
如某至愚不肖甚賤且貧每懷萬物皆慶土土之恩
頗念吾道非曠野之物年當五歲日記萬言實希
蹤揚文公之辭章復妄意晏元獻之私目莫能送
上安得執中付甲子於泥塗逐庚癸之飢渴君門
不可以徑入法當從試於有司夜光屢失之暗投
或是晚成之大器雖杜陵許身稷契之意誰肯信
之然草廬自比管樂之心恐不免爾吟高軒過羅
曾謾詫於星芒說古戰場過眼還迷於日色五隨
秋試例困冬烘翦翎觀百鳥之翔回首覺萬牛之

重無能辨璞只合更刀脫漢賦辭楚騷雖依依而未忍觀魯史知周典幸歷歷之可明技癢爲之途窮甚矣求田問舍已破除湖海之豪應舉覓官又勒回山林之駕或謂餘勇猶足先登及工歌鹿鳴之三乃夢踐飛翼之八芳杜厚顏薛荔蒙耻願一洗之藜藿盈室荃蕙爲茅由來久矣要之借汝腹中過耳又何山人跨下慙乎鵬怒而飛鷲匿則擊是亦細事無足多言唯是吾皇頒詔舉賢之時實以今日多事得人爲急裴晉公之解常釋布正淮西盜起之時韓魏公之發策決科乃天聖日升之始有益於國無競維人感人物之耿然嘆江濤之如此四郊多壘士之耻也萬里長城國有人乎宜拔實才入充歲貢不應庸下亦在選中伏遇某官持刑明允已清碧草之扉畫諾從容復入紅蓮之幕茲獲聯於薦送何謬及於單微云云某敢不高束三傳精研一經思游夏不能措之辭條舒蕢所未陳之策謹按直筆猶足誅未死之姦諛稍遂初心誓不忘平生之溫飽

縣補魁中謝縣令

聖經賢傳拍未究於數千遂序黨庠首辱推於第

一其細已甚不足乎揚然累土乃九層之階故積
律自一黍而起况是萬家之縣利用百篇之書由
鄉校以發聲祭仕途之接武至如直筆見謂孤經
前輩罕用此以下惟後學遂東之於高閣豈知數
百世盛衰之監具在萬八千褒貶之言孫弘慙而
謝鄉人丈夫淺矣仲舒衰然爲舉首吾道非耶某
甲志無竒丁年逾邁無端讀書已墮左計登高能
賦更負悔心手縱敏於八義眼易迷於五色造化
無功於筆補瑕疵皆得而毛吹用是息黥捲於取
刑蠹書叢只麟史在焉遂偷白日之閑爾考素王

標十三

之旨筆則筆削則削頗知齊晉正議之情信傳信
疑傳疑仍見公穀婉裁之趣亦創通於大義豈盡
達於微言長恐畫虎之不成必至屠龍之無用自
惟鑄錯孰與訂頑屬聞君子之弦歌將興春誦咸
謂有司之衡鑑莫遯秋毫聊爾逢場豈其定霸妻
菲貝錦果聞其後播揚糠粃不意在前謂我不堪
於公何有伏遇某官以魯禽父作楚縣公妙割無
雞牛民自得於桁楊之外空弦落狐兔士亦慙於
檟楚之威有懷桑椹之好音還舉棘闥之故事且
從隗始以善鄭來某敢徂近功遂忘遠業玉川破

屋而已矣當益抱於遺經武城得人焉耳乎請僭
陳於故事西府先生之在吾泮賸有菁莪東閣郎
君之稱其家可無桃李胡不招諸生而立館下從
而養弟子以教國中盡拔十得五之功必有濟以
上酬以一當千之夢寧謂秦無人

謝成都解頭劉省元 應起

制春秋之義傑出妙齡貢鄉曲之英表為舉首未
遑贊慶過辱修辭恭惟某人青藜故家碧梧雋質
被孟母三遷之教獨抱遺經當陶舒二八之年創
通大義遂魁里選行冠臚傳其何預升賢亦蒙異
謝愧游夏一辭之莫措但知頂戴於名經暮田路
二子之與言更冀潛心於大業

謝成都解元五十一人

恭審論秀貢英策名借計少城百重列隊自應炳
井絡之靈後賢五十一人夙已載華陽之志茲應
元年明先聖之詔式副吾皇紹烈祖之期伏惟
某人屹自岷峨濯以江漢相如七經之授不專靡
麗之辭子雲四賦之工蓋有湛深之思茲並登於
天府聞允愜於月評某未遂納交過勤委贄客星
入斗恐當回八月之槎魁首枕參尚及窺五雲之瑞

回臨安江解頭克家

遺經究終始指洞識於數千考官敢瑕玼擢宜居
於第一雖知有無德無怨之語然可追不公不明
之嘲何煩摘文更加摧謝恭惟某人傳家忠孝餘
事文章安夏攘夷聊復道威文之事發凡言例又
能措游夏之詞空萬馬以皆瘖戴六鰲而爲首其
義則竊取矣幸不辱天府之書盡心將親覽焉尚
幸聽雲門之奏某慙無識鑒濫主文衡掣鯨鯢於
碧海之中僅塞直鈎之責對龍蛇於丹雘之下願
無曲學以言

謝解頭景簡文

屢入澤宮聞夙擅春秋之學褒爲舉首喜可塞月
旦之評有勤屬辭良高陳誼伏惟某官學濟世美
教自毋慈景子君臣之大倫久於舒究仲尼筆削
之微意何止創通當再進再卻之餘屬萬選萬中
之技楚雖有玉正恐在三獻之餘秦豈無人其誓
告羣言之首某濫叨勸駕愧闕贈鞭先十二以犒
師已窺肯綮擊三千而徙海尚見扶搖

謝衆解元

貢邵國之英濫修歲貢詢鄉曲之譽喜協月評何

勤屬辭特枉抒謝伏惟某官學窮根柢文識波瀾
插架五千耻爲無用之蠹累纂十二迄承若掇之
蝸張焱用百篇坦然之書占七人作者之列高拱
省元茲提麟筆之孤上應鳳苞之九句龍道茲策彫
蟲之工竟登乘鴈之數有司論秀免不公不明之
嘲國家急賢望斯謀斯猷之入某過勤委贄何與
提衡三魁天下之儒在加意耳五靈王者之瑞尚
寓目焉

回陳上舍 伯鳳

相如入室蜀賦自工張叔詎京漢都增重有勤也

標三

履且辱鳴謙恭惟某人江漢載英岷峨擢秀予昂
始高蹈信有雲仍季方難爲兄夙高月旦比者齊
魯之賦粲然虞夏之庠志目中眉屈居曰俊曰造
之冠擢角拔齒粗免不公不明之嘲茲蒙四六之
貽良重再三之愧某頃從化闈獲讀阿房吹河東
以上天幸窺吐鳳圖天南而擊海更願培鵬

回水丘先輩謝解 襄

考其行藝恐遺天府之賢擇乎中庸偶恊月評之
望所謂得子之是賴少逭有司之不明敢圖謙撝
更加巽謝恭惟某人殖學有裕揆才不貲曲禮三

千得恭儉莊敬之教重言十七非瑣碎排偶之詞
茲歌鳴鹿之三遂賦良馬之四強學待問不難得
祿以得名正心脩身諒必踐言而踐行某摩挲俗
眼邂逅譽髦何勤纏履之臨更垂銜袖之贈洗風
塵之袍袴愧少緩於報章對日月之衮衣願更思
於長策

回趙先輩子直謝解

登于天府正恐負賢能之書採之月評幸不失鄉
曲之譽何勤私謝更費雄文恭惟某人學深百篇
氣蓋諸子不但勤簡編之燈火蓋亦富師友之淵
源浩乎沛然久已喧京師之價論其秀者固麗技
俊造之羣茲歌鹿鳴之三果空鷲鳥之百某濫賓
計吏冒主文盟考十七之重言幸逃迷眼勉三千
之獨對更望盡心

回武岡新舉蕭漢龍

詢鄉曲之譽未遂承顏獻賢能之書忻聞舉首有
來委質益仞鳴謙恭惟某官巫水之英斗山其秀
深灑灑噩噩之學究明明穆穆之源呂侯之辟三
千既知奧義蕭何之功第一且稱名家幸益窮上
世之遺書庶亟對皇帝之清問某濫叨泚筆何與

提衡聞東海生之名喜先鳴於雞口養北宮默之
勇願拭目於龍頭

回新舉王道明

采芹論秀夙聞能賦之聲撤棘登名果中賢書之
選未皇走賀猶辱謝牋恭惟某官家學有源鄉評
甚臚擬靈光之作久負逸材奏混成之篇行占遠
器茲步漢南之獨遂空冀北之羣鵬擊三千更觀
變化龍飛九五亟快依乘某不武之資斯文何與
一第溷子未足見志士之榮三釜及親願以爲執
事者勉

標一三

回免舉士人謝啓

樂正論秀而升諸得時則駕公等何見之晚也博
我以文鳴謙尊光擊節降嘆恭惟某官舊穿楊葉
新躡桂叢鵬怒而飛九萬里風斯在下龍潛以躍
三千字日固未斜惟時懋哉遐不謂矣某已稽掃
榻偶失迎門子來見我乎良感贈言之繾綣吾亦
欲東耳尚容拭目於騰驥

回免解杜省元

論定秀士之賢者久欲納交不見諸侯若小然茲
勤委贄文旣工於儷六雅復許之肄三恭惟某官

句似少陵學如元凱牧之能賦宜高擢於唐科子
夏直言蓋亟登於漢殿公等安在主上喟然從先
生者七十人有勤私淑搏扶搖而九萬里會即高
騫有如骹骹之文何辱簸揚之巧某聿來和義深
願友仁一話一言固已可觀於竒崛三熏三沐尚
圖續款於清揚

回試官袖啓

某伏以獻賢能之書有嚴春貢登文章之錄來主
夏盟旣爲國以得人更以文而博我恭惟某官學
探宏奧味別澗淄夜凡跋紅寧慮三條之塌晝寒
窻穿碧豈容五色之眼迷提玉尺以裁雲倒珠胎
之貫月搜阿房之賦料亦焦心論石渠之經諒多
拔角春秋十二已歸此日之權衡禮樂三千何惜
當年之衣鉢某茲承撤棘幸遂識荆思飢蠶蝕葉
之聲悵難尋於舊夢寫鬢氣蠹濕薪之景尚願聽於
新篇

及第

回王省元曹謝取中

觀春秋之林潛心久矣登文章之錄為首裊然足
愜公言何勤私謝恭惟某官深於蓄德餘以績文
東五傳而抱遺經獨明大義外四夷而內中夏洞
究微言果以海內寡二之才出當天下一之選
義則竊取矣可道有司之不明來不亦樂乎更幸
斯文之未喪至如榮進之素定何待抗聲而自陳
某偶綴蠹官預窺麟筆求珠而徑寸先得自賀其
遭跂織而七襄不成未知所報

回何釋褐大圭

中的璇魁解韋璧省十九年無全牛之刀頓見異
材九萬里運化鵬之程實開遠業恭推某官學有
源委行無瑕玷曲禮三千富春誦夏弦之學園橋
億萬高月書季攷之功果收傑出之科亟被非常
之渥榮進素定無負明天子之殊知要路在前自
有鄉先生之近比某濫叨倚席例沐投瓊壽知武
故厚之敢為諛語堅於愈同業也敬誦祝規

回郭正奏應王正奏已之

策名外省趣對中宸三外風塵率聚五星於十月

六丁雷電迄搏六翮于九霄得賢之稱通國以懌
恭惟其人箕裘家學圭璧鄉評讀百篇科斗之文
夙研奧義及重闡茲烏之哺遂擢巍科某人夙堅
雅操獨抱遺經瀘水七禽轉蓬不嫌於地遠沅江
九肋擢桂遂破於天荒諒加強學待問之功式究
正主庇民之蘊某誤蒙渙號濫主坤文穎人稱之
曰門生既聞耳矣仲舒衰然為舉首尚拭目焉占
謝惟深敷宣罔既

回嘉定張正奏 庚仲

奏賦蜀都登名漢殿西望太白固疑有沉冥之珎

十三

東越玉津乃今得曄曄之秀公言甚愜私謝何塵
恭惟 其人岷峨之英江漢以濯學皆齊魯其表殆
張叔之家文麗卿雲鼓吹有平子之作嘉魚固出
於丙穴顧兔迄變於幼年鼓三級以先登及雙親
之未老龍墀之對三千字更幸勉之捷為之磬十
六枚自此升矣某幾迷五色幸放一頭吟饕蟲濕
薪之詩何幸快風塵之洗轉走馬看花之句願亟
乘天地之寬

回辛正奏 守謙張正奏 東寅

摘藻奏名集英趣對毛穎封於郊地開蟾蜍入月

之祥雲夢吞於子虛展駟馬題橋之志恭惟某人
玉津毓秀磬水蜚聲辛云周太史之雲仍宜箴王
闕魏佐治之風烈盍引帝裾張云遙遙張叔之家
學固同於齊魯巖巖孟陽之商銘遠綴於岷嶓遂
掃三峽千人之軍上輔五星十月之聚九萬里風
斯下已開鵬海之程三千字日未斜無負龍墀之
問某竭來石郭獲讀阿房說古戰場幸免眼迷於
日色吟高軒過尚幾手決於天章

回類元唐正奏

應龍

學者發凡言例多違舊章大夫精心致思稟為舉
首幸公言之惟允何私謝之敢當恭惟某人大江
炳靈通泉噴薄能賦如勒夙擅詞章學為於部更
深經術究遺經於獨抱會大義於創通文成數萬
指數千首先鳴於雞口臣書第一無集二今徑躡
於龍頭惟功名留久遠之看即溫飽非生平之志
察牛堪之意既不違俗而取名知願郎之恩更期
蓄力而秉志某初微風鑒濫佐星堂青袍白紵之
糊名已多迷於方叔紫磨黃金之定價願無負於
長公

回郭正奏

佳

闕郭公之疑昔嘗恐春秋之罪我道齊威之事今始論秀造而告王愧余五色之眼迷遲公十年之身到恭惟某人岷峨世載江漢淵回塾林宗之巾夫子步亦夫子老汾陽之考中書乃不中書信大器之晚成嫌脩門之徑入秋風退鷁坐觀巴火之九鑽春浪化龍始透禹門之三級願培鵬背徑跨鰲頭某濫佐星堂安知風鑿束之高閣知無用公穀左氏之文造在大庭尚聳聽鼎董公孫之策

回曹正奏

策名上第趣對中宸司徒論秀而升諸幾迷五色公等何見之晚也亟放一頭幸愜公言何勤私謝恭惟某人振鐸昭穆子建波瀾列仙甚癯聞素甘於藜藿良工獨苦善致養於棘薪茲逐一鳴以驚人式副三遷之教子曹交假館所謂求之有餘師仲舒造庭佇見褒然為舉首某竭來玉壘得讀阿房青松當綠衣至羨封人之有母丹墀攄素蘊更觀謹論之告君

回曹正奏

二年滿戍鷁回首以東歸再命作州臺朶頤而西顧有勤賀語祇發愧情恭惟某人春藻吐葩秋竿

秉節一第涵子聊償戀闕之丹心三釜及親足慰
在堂之白髮猥承妙製見遺陳人某藏去爲滌已
知所賀踟蹰五馬良慙出谷以遷喬縹緲孤鴻但
願送江而入海

回王正奏

正寅

一第直涵子耳安用謝爲幾日來見我乎更勤言
贈爲之三復佩此一謙恭惟某人世載其英學優
則仕紫電將軍之庫尚有典刑紅帶宣義之家豈
其苗裔 奏河東之賦 空異北之羣某偶佐父
衡獲觀筆陣於我無怨亦無德但吟坡老之詩有
司以公不以情愧乏昌黎之序

西曆十二

回張正奏

申之

策名外省趣對中宸知我者春秋罪我者春秋幸
已酬俯拾之芥先進於禮樂後進於禮樂安知非
居上之薪恭惟某人家傳一編曾藏三篋遺經獨
抱精於措游夏之詞大義創通較若辨威文之事
迄膺衆選進以言揚某偶綴文闡獲觀筆陣辨棟
樑於七年之後幸免遺材器根柢於萬乘之前更
觀拔萃

回特奏名李學正

鳴鳳

射策登名拜恩諾仕公等何見晚也而迷其邦論
定然後官之其有所試伏惟某人負材瓌特蓄學
齋深太白有文章之光宜早登於唐殿仲元豈華
藻之力願久滯於蜀都有來桑榆之收不孤芹藻
之采富貴必從勤苦得少酬鐵硯之勞功名亦在
老大時行對蒲輪之召某未皇走慶猥沐貽箋春
草隨袍等是天公之雨露秋竿有節相期歲晚之
冰霜

回王特奏

相悟

顯膺恩紀榮遙儒科東隅而收桑榆雖負心期之
壯北山之有桎梏足爲眉壽之光恭惟某人波瀾
老成魁壘耆艾如尊乃勇合爲叱馭之冲臣薦褒
有材宜即運籌於聖主何踞鞍之矍鑠始奮袖以
低昂亮無恨青衫之枯行即膺紅帶之寵某未皇
贊慶猥沐貽箋拔薤而規龐參願聞忠告裹蒲而
迎枚乘尚見詔除

回特奏侯新恩

曾榮

借計該恩登名筮仕半世就舉選良忻叔起之未
衰朝廷少舊臣更喜君房之肯出伏惟某人抱材
膚碩蓄學弘深風翮大鵬本有垂雲之翼天閑老

驥不爭暮日之塗器固大於晚成召亟膺於朝奏
魏有隱士實由年德之高漢迎太公亦藉老成之
力某未皇謁賀猥沐貽賤愧無垂崖翁屈留賢者
近識峨眉老尚問政焉

梅亭先生四六標準卷之十三





